

Tinawen a Pakaammo iti Palawag Maipanggep iti Kaawan ti Diskriminasion ken Kontra iti Panangrribuk

Ti Departamento ti Edukasion ti Estado ti Hawaii (Hawaii State Department of Education wenno HIDOE, awan diskriminaren wenno awan ti ipapaigidna gapu iti puli, katatao wenno seks, edad, maris ti kudil, pagilian a naggapuan, relihion, wenno disabilidad. Maipakat daytoy a pagtaktakderan ti HIDOE kadagiti amin a programa ken aktibidadna, agraman iti panagtrabaho ken panagawat (admissions) no la ketdi maikanatad.

Para kadagiti hayskul nga adda iti babaen ti HIDOE nga agididiaya kadagiti Programa iti Panagadal iti Karera ken Edukasion Teknikal (Career and Technical Education [CTE] Programs of Study) iti arte ken komunikasion, negosio, dagiti serbisio iti salun-at, teknolohia industrial ken inhenieria, rekursos naturales, ken kadagiti serbisio a para iti publiko ken tattao, nawaya ti asino man a sumrek nga agadal kadagitoy a kurso. Aramidn dagiti hayskul nga adda iti babaen ti HIDOE ti amin a kabaelanda tapno uray dagiti nakapsut iti lengguahe nga Ingles ket maawat ken makipartisipar kadagiti programa ti CTE ken ipaayanna ida iti patas a gundaway a makiummong kadagiti nadesignaran a grupo dagiti agtutubo.

Kas nayonna, saan nga aponeran ti HIDOE dagiti aramid iti panangrribuk gapu iti puli, katatao wenno seks, edad, maris ti kudil, pagilian a naggapuan, relihion, wenno disabilidad. Asino man nga estudianta a mamati a marirribuk gapu iti puli, katatao wenno seks, edad, maris ti kudil, pagilian a naggapuan, relihion, wenno disabilidad, ket makiddaw nga ireportna daytoy a panangrribuk. Mabalin dagiti estudianta ken nagannak ti mangireport kadagiti patiendang nga aramid iti diskriminasion ken panangrribuk iti administrador ti pagadalan wenno iti Opisina a Mangipatungpal Kadagiti Karbengan a Sibil (Civil Rights Compliance Office) ti HIDOE iti adres a nakalista iti baba.

Ipanamnamana ti HIDOE ti pannakaiwayat ti madagdagus nga imbestigasion. Ti suporta, agraman pammagbaga ken rekursos edukasional, ket madadaan a maited kadagiti estudianta a biktima ti panangrribuk agraman kadagiti estudianta a matakuan nga agar-aramid kadagiti panangrribuk gapu iti puli, katatao wenno seks, edad, maris ti kudil, pagilian a naggapuan, relihion, wenno disabilidad. Dagiti estudianta a matakuan nga agar-aramid kadagiti panangrribuk ket mabalin a madisiplina, agingga iti ken agraman iti pannakasuspende wenno pannakapatapuak iti pagadalan, no kiddawen dagiti pasamak. Agtitinnulong koma dagiti estudianta, nagannak, ken empleado ti HIDOE a manglapped kadagiti panangrribuk gapu iti puli, katatao wenno seks, edad, maris ti kudil, pagilian a naggapuan, relihion, wenno disabilidad.

Dinto met ipalubos ti HIDOE ti pannakabales dagiti agireport iti diskriminasion ken/wenno panangrribuk gapu iti puli, katatao wenno seks, edad, maris ti kudil, pagilian a naggapuan, relihion, wenno disabilidad, ken agaramidto kadagiti addang a mangsalaknib kadagiti agpanggep nga agireport iti panangrribuk.

Iturong dagiti saludsodyo iti annuroten ti HIDOE maipanggep iti dina pangipalubos iti diskriminasion iti:

Seksion ADA/504 dagiti saludsod
 Krysti Sukita, ADA/504 Specialist
 Civil Rights Compliance Office
 Hawaii State Department of Education
 P.O. Box 2360
 Honolulu, Hawaii 96804
 (808) 586-3322 wenno 'relay'
 crco@notes.k12.hi.us

Titulo VI, Titulo IX, ken dadduma pay a saludsod
 Anne Marie Puglisi, Director
 Civil Rights Compliance Office
 Hawaii State Department of Education
 P.O. Box 2360
 Honolulu, Hawaii 96804
 (808) 586-3322 wenno 'relay'
 crco@notes.k12.hi.us

Dagiti saludsod maipanggep iti diskriminasion ken/wenno panangrribuk ket mabalin met nga ikamang iti Opisina a Mangipatungpal Kadagiti Karbengan a Sibil, Departamento ti Edukasion ti Estados Unidos (Office for Civil Rights, United States Department of Education).